

瘍

醫

大

全

瘍醫大全目錄

卷十九

腋臂指掌部

腋癰門主論附方

腫氣門主論附方

內疔疽門主論

缺盆疽門主論

臈癰門主論

脾癰門主論

湯醫大全  
臂癰門主論

骨蠱疽門主論

垂臂發門主論

鵝癰門主論

石榴疽門主論

冬瓜串門主論

附方

陳肝瘡門主論

螻蛄串門主論

肘後毒門主論

肘癰門主論

手足魚臍瘡門主論

腕癰門主論

兌疽門主論

癰瘡門主論

附方

筋疽門主論

豚骨疔門主論

附方

五指所屬臟腑穴道圖說

五指名目圖

五指穴道圖

陽掌臟腑圖

陰掌臟腑圖

肘腕穴道圖

看手指察病順逆圖

鑱指疔門主論

附方

代指門主論

附方

天蛇毒門主論

附方

蛇節疔門主論

蛇眼疔門主論

蛇背疔門主論

蟻螂蛙門主論

鰵肚疔門主論

衝要節門主論

紅蘭疔門主論

療疽門主論

手指怪症門主論

丫癰門主論

虎了毒門主論附方

手心毒門主論

鷺掌瘋門主論附方

馬蟻窩門主論附方

腋痛門主論附方

手足破裂門主論附方

手發背門主論附方

手汗門主方

瘍醫大全卷十九

燕湖顧世澄練江氏纂輯

增錢之栢圭

男 櫟燮用和

左校

腋臂指掌部

自腋臂臑肘手指手背癰疽疔毒俱彙於此部中以  
便檢閱叅治



腋癰



腋癰門主論

王肯堂曰腋癰卽夾肢癰生肩膊下隙內屬手少陰  
心經手厥陰心包絡經風熱所致宜服內托黃芪  
柴胡湯

準繩

靈樞曰發於腋下赤堅者名曰米疽治之以砭石欲  
細而長疎砭之塗以豕膏六日已勿褻之

陳實功曰腋癰又名夾癰此起腋下皮色不變漫腫  
無頭日久方痛乃生寒熱此乃肝經血滯脾經氣  
凝共結爲腫此患難消終必作膿未破者柴胡清

肝湯已破十全大補湯去肉桂加香附陳皮急者

開之首尾溫補切忌寒涼

正宗

馮魯贈曰腋癰者乃足少陽手少陰手厥陰三經也

此多得之於先天或肝火熾甚耳

錦囊

心法曰腋疽一名米疽又名疔疽發於肱腋窩正中  
初起之時其形如核由肝脾二經憂思恚怒氣凝  
血滯而成腋癰又名夾肢癰發於腋際屬肝脾血  
熱兼忿怒而成

腋癰門主方

驗方

葫蘆巴

焙研  
三錢

木瓜酒調服

體氣門主論

陳寶功曰體氣一名胡氣俗呼狐騷氣又呼狐騷臭此因父母有所傳染者又有胡胎而受生者故不脫本來氣質凡有此者腋下多有棕紋數孔出此氣味當以五香散擦之以解其味

正宗

澄曰凡治腋臭用藥後必須穿新衣如穿舊衣務於日中將所着衣用灰水洗淨又泡去衣袖中臭味皆無氣味若洗不淨氣味枉用其藥大槩藥無不驗多是衣服再作氣息所以不能斷根耳

體氣門主方

狐臭不可近身

大蜘蛛一枚用黃泥少加赤石脂並鹽杵熟作窩  
放蜘蛛於內先以小火煨乾漸加猛火煨紅候冷  
取出蜘蛛加輕粉一分研細和米醋調膏臨臥時  
先將腋洗淨以膏搽之次早洗下黑汁惡物爲效  
卽將此汁埋棄僻靜之所勿令染人萬不可穿舊  
時衣慎之慎之

又方

大田螺一個以水養之伺其厓開以巴豆仁一粒  
用針挑放螺內將螺拭乾仰放盞內俟螺化水取  
擦腋下

無價散

水銀

蜜陀僧

各二錢

枯礬

四錢

共研干下以不見水銀星爲度津唾調搽

又方

礪砂

密陀僧

銅青

白附子

辰砂

白明礬

各等分

研細先以皂角水洗二三次後敷上不過三次  
全好

又方

水銀

黃丹

礪砂

密陀僧

銅青

辰砂

明礬

白附子

白梅肉

共搗爲丸擦之

腋臭鴟臭陰汗不能與人同行者

白礬

密陀僧

黃丹

各一錢五分



麝香 五斤

共乳如灰塵以醋在手心內調藥擦腋下經宿  
兩時辰許再以香白芷煎湯洗之一日用一次

又方

枯礬 二兩

密陀僧 四兩

輕粉 三錢

共乳細擦兩腋擦至數月見效半年全愈

又方

熱蒸餅一個劈作兩半摻密陀僧末一錢急挾在  
腋下畧臥片時候冷棄之如一腋有病只用一個




內疾疽

內疚疽門主論

鬼遺方曰內疚疽發兩腋及臂並兩手掌中振寒熱  
血噤乾飲多卽嘔煩心悁悁脉盛六七日診如  
此可汗不汗死

缺盆疽




缺盆疽門主論

王肯堂曰缺盆疽又名鎖骨疽生肩前陷中寒熱大作飲食少進肩背拘急小水不利胸腹膨脹屬足陽明胃經手少陽三焦經宜隔蒜灸若治之稍緩必致潰爛是經少血多氣瘡口不合危篤者多矣

準繩

心法曰此疽又名蠱疽屬膽胃二經積熱而成

臍癰



癰癰門主論

王肯堂曰癰癰俗名病藕包癰臂表裡俱腫赤色惟肘節處差小故名藕包以內外分陰陽

準繩

陳實功曰癰癰生在肘上連肩通腫長而堅硬者是也

正宗


薛氏曰癰癰在肩之下肘之上週匝漫腫色赤裏廉外廉左右皆同由風溫或風火凝結而成初起狀如粟米一撮亦有起一粒僵疙瘡者漸次焮腫紅熱髻膿痛甚紅腫之外無暈者順有二暈者險三

四暈者逆

又曰藕包毒腫發臍內或臍外結腫一枚如桃如鵝  
鴨卵者是也臍內屬手三陰經臍外屬手三陽經  
宜加引經藥必效



脾癰



脾癰門主論

申斗垣曰脾癰生肩真臍俞二穴乃手太陽小腸經  
多血少氣乃脾受膏粱厚味所生也宜汗之經云  
汗之則瘡已

啟玄

李東垣曰脾癰又名鬱疽在肩之後下腋之後外肩  
岐骨縫間左右同屬小腸經肩真穴由風火凝結  
而成

又曰如生在肩前下腋前外之上骨縫開合空凹陷  
中左右相同初起如椒子漸腫堅硬大如鷺卵按

之疼痛入骨屬心包絡經名曰樂疽乃血熱氣鬱而成



臂癰門主論

玄機云在臂外爲癰在臂內爲魚肚發在臂上節腫連肩髃爲臂風毒

王肯堂曰兩臂肘起至接骨下引手至小骨之上發癰癰此處雖實奈連大小筋骨舉動不便垂手多墜疼如膿深沉徹骨卽傷筋脉拳縮不舒搗搗宜急用緩慢筋脉藥餌治之

準繩

申斗垣曰臂癰毒乃心腎二經通於五指毒氣流走成串漏

啟玄

心法曰魚肚發生於膈部之後垂肉處焮腫赤色屬  
心經青靈穴由火毒凝結而成

陳遠公曰人臂上忽然生瘡變成癰疽者亦陰癰也  
雖比頭面對口肩背稍輕然治不得法亦能殺人  
故須辨陰陽治之大約痛者陽症癢者陰症如陽  
症用三星湯一二劑便可立消若陰症此方又不  
可用必大補氣血佐以消痰化毒始可奏功勿以  
手足非心腹之疾不須補虛也夫陰主靜而手則  
至動者也至動生陰癰則動變靜矣反常之道也

可不畏乎况動變靜又趨陰之道也陽趨於陰非  
生近於死乎欲陽返陰易欲陰返陽難誰謂手癰  
而小視之哉消癰還陽丹人參花粉生甘草各三  
錢白朮生黃芪各一兩肉桂乳香末各一錢金銀  
花二兩當歸五錢水煎服一劑癢變爲疼矣二劑  
疼止三劑全消

永鑑

按此方與七聖湯相同而意氣與所主各異也七  
聖湯治已潰之劑此湯乃治未潰之方蓋已潰者  
以生肉爲先未潰者以護肌爲主所以七聖湯中  
無乳香末天花粉二味此方用乳香末天花粉攻  
中有擁衛  
之功耳

胡公弼曰臂癰有因遠行涉水途路或冒風雨寒濕飲食不節亦能患此所受稍輕治以防風除濕丸主之

青囊

馮晉贍曰臂癰者前廉屬手陽明經後廉屬手太陽經外廉屬手少陽經內廉屬手厥陰經內之前廉屬手太陰經內之後廉屬手少陰經總緣經絡熱鬱風邪外干氣血有乖而生也當分經絡以用本經之藥爲引行其氣血自愈

錦囊

李東垣曰臂

自肘至腕曰臂


外側屬三陽臂裏屬三陰俱由



榮衛不週感受風邪逆於肉裏而成也已潰若拳縮而不能舒疼痛徹骨者乃潰深傷脉也屬逆

李東垣曰臂痛有六道各加引經藥乃驗以兩手伸直垂下大指居前小指居後而定之前廉痛者屬陽明以升麻乾葛白芷行之後廉痛者屬太陽以藁本羌活行之外廉痛者屬少陽以柴胡行之內廉痛者屬厥陰以柴胡青皮行之內前廉痛者屬太陰升麻白芷行之內後廉痛者屬少陰細辛獨活行之

骨蟻疽



# 骨蠱疽門主論

王肯堂曰骨蠱疽生手臂陽明經分生癰初如粟米漸大如赤豆痛不可忍旬日大如胡桃枯紫色若毒遊遍身拘急發搐嘔噦不食冷汗自出滑泄煩躁脉亂者死犯房勞怒氣者死此證乃七情不和積怒積憂積熱所致重元虛敗不能勝邪發之暴死之速乃陰虛極而火獨亢之故治當滋化源勿以揚湯止沸之法誤之

準繩

薛立齋曰骨蠱疽生臂外前廉大骨之後屬手陽明


大腸經由憂鬱暴怒凝結而成初如粟豆旬日大  
如桃李腫硬疼痛若紫暈開大腐爛斑點串通肌  
肉摘擲拘急多見七惡者逆

垂臂發



垂臂發門主論

鬼遺方云垂臂發生於垂臂兩處發接骨下臂驚上  
起如鷄鳴卵大皆由榮衛不調所致也喜患實處  
而不透內亦宜急消或發穴早療



鵠癰門主論

寶漢卿曰生於臂撐上者名鵠癰紅腫作痛初起宜灸若潰之必損命不可輕忽





石榴疽門主論

陳實功曰石榴疽生在肘尖上一寸是也此乃少陽相火與濕熱並搏而成初起一點黃粟小泡根便開大色紅堅硬腫如覆碗皮破泛出疊如椰子令人寒戰儼同瘡疾初起卽灸九壯內服蟾酥丸發汗頂上以蟾酥餅貼之膏蓋腫處以金黃散敷之九日後得膿爲吉反此爲凶均如癰疽調治

正宗

又曰此乃少陽相火與外濕煎搏而成也

薛立齋曰石榴疽生肘尖上一寸餘屬三焦天井穴

初起黃粟小炮根脚便覺開大色紅焮腫堅硬疼痛腫如覆盃破翻如榴寒熱如瘡由三焦相火與外濕相搏而成破後用菊花蕊煎湯洗之次以菊花燒灰存性加輕粉少許兌勻敷之神效

冬瓜串門主論

王肯堂曰冬瓜串生兩臂膊間長二三寸紅赤高腫  
疼痛而無處覓頭者是也照癰疽門施治

準繩

冬瓜串門主方


驗方綱目

草薺子搗膏貼之一夜自愈

又方準繩

羊糞不拘多少薺油全研敷

陳肝瘡



陳肝瘡門主論

申斗垣曰陳肝瘡乃手少陽三焦經生於左右臂上  
三五處如癰腫痛不可忍不可撓擦如有頭二七  
可刺無頭身熱虛硬面赤者二八日死又名蚤疽  
徹手生瘡變生於手三陰三陽經三年而死癢甚  
者一月而死

啟玄

蝮蛇串





蠅蛄串門主論

陳實功曰此症得於思慮傷脾脾氣鬱結而成其患  
多生於兩手初起骨中作疼漸生漫腫堅硬不熱  
不紅手背及內關前後連腫數塊不能轉側日久  
出如豆腐漿汁串通諸竅日夜淋漓腫痛仍在患  
者必面黃肌瘦飲食減少惟調和氣血扶助脾胃  
其中可生者十有二三如治之不善妄投寒涼尅  
伐損傷脾胃則活者鮮矣施治之法首尾宜用益  
氣養榮湯加味道遙散主之

正宗

又曰是疾多生於氣血澆薄者蓋四肢屬脾土所以多生兩手

李東垣曰蠼蛄串所謂蠼蛄者虫名也形似蜻蜓翅短而尾長善近風喜水故患此者不破則易已如潰不斷其膿水勢必貫串上延肩井下串臂肘一串二二則串三失治則膿水侵蝕筋骨慘痛此緣五臟受濕六腑蓄熱故外傷皮膚遂成斯毒

朱丹溪曰蠼蛄串生於臂內中廉屬包絡經由思慮傷脾脾傷則運化遲故生濁液流於肌肉脾氣鬱

滯不舒凝結而成初起筋骨如中流矢疼痛漸增  
漫腫堅硬不紅不熱連腫數塊臂膊不能轉動日  
久其腫塊漸次潰破孔孔時流白漿內潰串通諸  
孔外勢腫硬不消膿水淋漓如漏虛證來添如面  
黃食少削瘦甚則午後寒熱交作而成敗症也初  
宜逍遙散次用人參養榮湯調和氣血扶助脾胃  
十中可保三四

肘後毒門主論

胡公弼曰肘後毒乃風毒流走氣血凝滯脉通五指

結成肘毒

青囊

肘癰門主論

心法曰肘癰生於肘之圍遶由心肺風火凝結而成  
形小爲痛形大爲癰

手足魚臍瘡門主論

申斗垣曰魚臍瘡形似魚臍生於肘肚者是手少陰  
心經多氣少血海靈道上是也生於小腿肚者是  
足太陽膀胱經多血少氣承山飛揚二穴上下是  
也 啟玄

腕癰




腕癰門主論

王肯堂曰腕癰生於手肘之處俗名手牛押屈此手  
三陰經風熱聚毒之所致也

準繩

李東垣曰腕癰生手肘背面屬手三陽由風火凝結  
而成乃皮肉澆薄之處若遷延日久不潰或漫腫  
平塌既潰腐爛露骨者逆難於收功





兌疽門主論

陳實功曰兌疽生於手之動脉處腫痛寒熱痛徹手

膊舉動不便者是

正宗

朱丹溪曰兌疽生手腕裏面橫紋後前稍動脉之間  
左右同乃肺經門戶若發疽或潰深則肺氣大泄  
最爲險候

癰瘡門主論

王肯堂曰癰瘡生於手足間相對如新茱萸癢痛折裂搔破則黃水淋漓有孔如癰久而生虫

準繩

心法曰癰瘡生於指掌之中形似茱萸兩手相對而生亦有成攢者初起黃白膿胞癢痛無時破流黃汁時好時發極其疲頑由風濕客於膚腠而成宜以潤肌膏擦之若日久內必生虫用藜蘆膏擦之兼戒口味

癰瘡門主方

藜蘆膏

苦參

藜

蘆

各一兩

猪油八兩熬枯去渣入松香一兩化開離火加  
枯礬雄黃各一兩攪勻候溫塗之

筋疽門主論

黃漢卿曰筋疽生臂之動脈間筋寄之上臂膊不能屈伸若不速治潰爛筋脈必成廢疾

脉骨疔門主論

申斗垣曰脉骨疔又名魚臍疔生在掌後橫紋陷中  
根行甚急亦有生肘臂間者紅者爲疽黑者爲疔  
有紅絲者是也宜用針先針斷紅絲後服追疔丸  
劑外敷絲瓜葉膏

啟玄

王肯堂曰又名穿骨疽生於間使穴在掌後橫紋上  
三寸兩筋陷中屬包絡經蘊熱凝結而成

又曰如潰穿骨縫從臂外側出膿者險

脉骨疔門主方

絲瓜葉膏

絲瓜葉

韭菜葉

連鬚葱

各等分

全入石臼內研如泥以熱酒冲和去渣服以搗  
病在左手敷左腋病在右手敷右腋脇下亦敷  
病在左足敷左膀病在右足敷右膀病在中敷  
心臍並用布縛候紅絲皆白爲安如有潮熱亦  
用此法令入抱佳不可放手恐毒氣顛倒難救  
病人發顛跌倒亦難救

五指所屬臟腑穴道圖說

大拇指屬脾土脾氣通於口絡聯於大指通背右筋  
天樞穴手列缺穴足三里穴

二拇指名曰食指屬肝肝氣通於目絡聯於食指通  
於小天心穴足大谿穴

中拇指名曰將指屬心心氣通於舌絡聯於將指通  
背左筋心俞穴手中冲穴足湧泉穴

四拇指名曰無名指屬肺肺氣通於鼻絡聯於無名  
指通胸前膻中穴背後風門穴



小拇指屬腎腎氣通於耳絡聯於小指通目瞳人手

合谷穴足大敦穴

大腸筋在食指邊絡聯於虎口直到食指側巔

小腸筋在小指外邊絡聯於神門直至小腸側巔

穴在陽掌者

內牢穴

在手心正中

大橫紋

在手掌下一道橫紋

離宮

在將指根下屬心火

浮心穴

在大橫紋左邊

坎宮

緊與離宮對在小天心之上屬腎

小天心

在坎宮下中門

陽池穴陰池穴

在小天心兩傍

販門穴

在大指下一塊其肉如板屬腎

腎經穴

在大橫紋右邊

二人上馬穴

在小指傍二四橫紋及掌乾宮傍

水底穴

在小指傍從指尖到乾宮外邊皆是屬腎

虎口穴

在大食二指丫處筋通三關處

四橫紋

在食將無名小指中三道小橫紋除去大指故名四

穴在指尖者

少商穴

在大拇指指尖

商陽穴

在食指尖指根下一節橫紋是風關從掌上巽宮來二橫紋是氣關三橫紋是命關

中冲穴

在中將指尖

關冲穴

在無名指尖

少冲穴

在小拇指尖

大腸穴

在食指外邊

小腸穴

在小指外邊

穴在陽膊者

總筋穴

在大橫紋下指之脉絡皆總於此中四指脉總於此

內間史穴

在總筋下一寸許

天河穴

在內間史下自總筋直往曲池

曲池穴

在手灣處一名洪池

經渠穴

在浮心一邊內間史傍

列缺穴

在經渠下天河傍

魚脊穴

在陽池傍邊一小窩處乃大指散脉處

三關穴

在手膊上傍邊

六腑穴

在手膊下傍邊

穴在陰掌者

外牢宮

在手背正中

合谷穴

在手背大指食指兩骨丫又相合之間

威靈穴

在外牢宮右邊骨縫處

精靈穴

在外牢宮左邊骨縫處

一扇門

在食將二指下夾縫處威靈穴之上

二扇門

在無名小指根兩夾縫中

大陵位穴

在外牢下手背骨節處

穴在陰膊者

一窩風

在大陵位下手膊止與陽膊總筋下相對

陽池穴

在外間史下

外間史穴

在一窩風下與內間史相對一名外關候

肩井穴

在肩膊眼窩內

斗肘穴


在手肘曲處高起圓骨處

# 五 指 名 目 圖




# 五 指 穴 道 圖


將指獨熱是傷寒  
將指獨冷是痲痘



# 陽掌臟腑圖




# 陰掌臟腑圖





肘腕穴道圖



# 看手察病順逆圖

大指在外男順女逆



大指內握女順男逆



大指內丫諸病惡症



鑑指疔門主論

申斗垣曰脾主四肢脾有濕熱則手足指腐爛成疔  
是也如長夏六月間濕熱盛而諸物腐焉

啟玄

又曰宜服清脾胃利濕熱之劑

澄曰此症指頂如泡貫膿之後破爛流水當用燥濕  
生肌散乾摻自效

鑑指疳門主方

驗方 被玄

兒茶 五錢 雄黃 一錢 冰片 二分

研細米泔水洗淨搽之

代指



代指門主論

王肯堂曰代指者先腫焮熱痛色不黯緣爪甲邊結  
膿劇者爪皆脫落但得一物冷藥汁湯漬之佳爪  
若筋之餘筋賴血養血熱甚注於指端故手指腫  
熱結聚成膿甚則爪甲脫落此證類於指疽然無  
蘊毒故色不黯雖久亦不殺人

準繩

陳實功曰手指忽腫痛者名爲代指

正宗

薛立齋曰代指生指甲身之內三四日後甲面上透  
一點黃色初起先腫焮熱疼痛應心宜用甘草朴

硝各五錢熬水浸洗卽瘥如甲面透黃卽係內膿  
已成但無門得泄急用線針在指甲身就膿近處  
挑一小孔膿方得出隨後輕手擠盡餘膿用黃連  
膏貼之易愈若失治或敷涼藥以致肌肉冰凝膿  
毒浸淫好肉爪甲潰空必然脫落宜用琥珀膏貼  
之一兩月收功

代指門主方

驗方

烏梅入醋浸研塗患處立瘥

又方

芒硝煎湯淋洗自潰



天蛇毒



瘍醫大全

卷十九

天蛇毒

吳

顧氏秘書

天蛇毒門主論

王肯堂曰天蛇毒卽天蛇頭不拘何指焮赤結毒腫痛有膿裂開有口唇如蛇頭狀是以名焉又名發指屬手厥陰心包絡經積熱所致雖黑色頑麻潰爛脫指者亦不死

準繩

陳實功曰天蛇毒卽蛇頭疔乃心火旺動攻注而成其指頭腫若蛇頭赤腫焮痛疼極連心甚者寒熱交作腫痛延上初起宜灸蟾酥餅膏蓋

正宗

馮魯瞻曰天蛇頭者手指毒瘡各隨經絡而生疼痛

殊甚宜審其經絡投以解毒和血加以引經之藥  
治之 錦囊

竇漢卿曰此症如膿未熟不可刀開針撥不然則胥  
肉起發難醫

胡公弼曰天蛇頭患久有出多骨者如初起紫黑者  
必死須割去其指方可醫治治同脫疽 青囊

汪省之曰手三陰三陽經亦有氣血多少不同生於  
手之十指名敦疽四五日潰膿可刺者生如不潰  
無膿黑色過節者死不可治也 理例

王肯堂曰五指頭生疽名曰敦疽係臟腑積熱治不可緩

準繩

又曰手大指疽發指頭小點如粟漸大如豆或如桃李或青或紫乍黃乍白乍黑或癢或麻木不痛或大痛徹心此名調疽屬手太陰肺經積毒毒盛者宜截去了四日刺得血膿者生得黑血者死毒氣攻心嘔吐不食膨脹者死齒縫出血者死

準繩

朱丹溪曰蛇頭疔在手指頂堅硬有頭十指同自筋骨發出根深毒重初起小炮色紫疼痛堅硬如疔

者是

王肯堂曰天蛇毒在手指頂悶腫無頭十指同自肌  
肉發出其毒稍輕夫手指雖各有專經然俱兼脾  
經火發而成但手指係皮肉澆薄之處不宜艾灸  
亦不宜開早若悞灸開早以致皮裂肉努翻出疼  
痛倍增不能速愈慎之

又曰調疽生於手大指由肺經積熱而成初如粟荳  
漸腫如李青紫麻木痛癢徹心六日刺破出稠膿  
鮮血者吉出黑血者險若黑腐延蔓不痛者名斷

指屬逆當如足部脫疽治法

澄

曰凡手指患天蛇毒如內膿已成脹痛者用針挑放務須從下往上挑破切不可從上向下挑否則毒傳下節潰爛俗謂戳了蛇頭蛇頭往下縮也

又曰凡指頭潰後切忌用力拿重如操作用力則齧肉必出難以速愈足指潰後俱忌行走否則亦然又曰凡傭工操作之人指皮粗厚每每膿已脹急不能穿潰常見通手化膿凡遇此等人須用針向指尖上挑砭出膿不可向下砭如誤向下砭每每毒

流下節遂有脫指之患不可不知

又曰凡潰後須將老皮剪去免藏毒水浸傷良肉

又曰每見當砭不砭膿已脹過以致甲脫肉無惟存  
筋骨用玉紅膏搽上生肌只有指尖難以長皮復  
原如舊須於生肌散內加珍珠末搽上其皮卽長  
合矣脚尖不長皮亦照此法

澄

治手指足指潰後形如蟬殼者須用利剪剪去死  
皮方可上藥不然皮中蓄有膿水難乾雖用珍珠  
散異其收功何異隔靴抓癢決難速愈

天蛇毒門主方

蛇頭疔

輕粉

銀粉

銅

綠

各等分

研細灌入猪膽內調勻將指套入膽內用線輕  
輕裝定三日一換重者二次

又方

用艾炷隔蒜灸之以雄黃白芷各等分爲末全火  
蒜搗爛敷之

又方



生栗去殼去衣搗爛敷之

又方

黑黃牛糞做餅晒乾入罐內燒烟薰之極效

又方

白菓葉入燈窩油內浸透貼之腐盡肌生

又方

黑豆天南星研細滴醋調敷

又方

人糞雄黃全搗罌在患處卽愈

又方

生雞蛋一個一頭打一洞入雄黃細末五錢將患指套入浸之拔去毒立止痛

又方

生雞蛋三個一頭打一洞每個入雄黃細末一錢和勻將痛指挿入待熱換之立刻止痛

苦瓜膏

陳伯施

苦瓜

卽癩葡萄

不拘多少搗爛以鹽酒浸收不可太稀

愈久愈好凡遇蛇頭毒取一匙敷患上外以絹縛

過一夜痛止卽愈

水蛇套

明醫集

治天蛇毒痛不可言

取活水蛇一條取中段去骨以蛇皮肉如指長裹患指上外用紙包頓覺半身涼快痛止腫消卽愈數日後去皮指上蛇形宛然

雄黃散

治蛇頭疔初起紅腫發熱疼痛微心者宜用

明

雄二錢

輕

粉

五分

蟾

酥

微焙二分

冰片 一分

共爲末新汲水調塗紙蓋日用三次極效

蜈蚣散

大蜈蚣 一條 全 蠍 七個 雄 黃 三錢

共爲末用鷄子清調敷患處外以猪膽皮套上

卽愈 一方無全蠍

又方 濟生

雄 黃 一錢 蟾 酥 一分

研細用蜈蚣一條共搗如泥敷患處空頂立愈

又方 全集

蜈蚣

雄

黃

各五分

研細裝入猪膽內套指上裝緊立愈

又方

白蘿蔔一段挖空入雄黃末三分蒸半熟套指上

愈

又方

雄黃研細猪膽汁調塗

又方

生鴨蛋二個

蜈

蚣

焙研一條

分裝兩蛋內攪勻套指上候熱再換一個卽消

雄黃散

蛇頭疔

明雄二錢

輕

粉

五分

蟾

酥

二分

冰片一分

研細新汲水調濃重湯燉溫敷上薄紙蓋之

雄蠟散

天蛇毒

瘍醫大全

卷十九

天蛇毒

五毒

顧氏秘書

牡

蠣

煨四錢

明

雄

二錢

研細蜜水調濃重湯燉溫塗患上止痛日用五

六次

蛇頭疔

蘇油脚

一錢

酒

麴

血

竭

各一錢

百草霜

少許

和勻敷上以布護好

蛇節序



易經大全

卷十九

蛇節序

三

顧氏秘書



蛇節疔門主論

王肯堂曰手指節間結腫焮赤又名病繭又名蛇節  
疔又名釘節天蛇又名病蛇節治與天蛇頭同準  
李東垣曰蛇節疔生手指中節骨節又名蛙節疔繞  
指俱腫其色或黃或紫由火毒凝結而成

蛇眼疔門主論

朱丹溪曰蛇眼疔生於指甲傍尖角間形如豆粒色紫半含半露硬似鐵釘乃火毒凝結而成

蛇背疔門主論

王肯堂曰蛇背疔生指甲根後形如半棗色赤胖腫  
乃火毒凝結而成

蟻蟬蛙門主論

陳實功曰體弱之人手指節中不紅不熱腫如蟬腹  
日久方痛痛久方腐腫仍不消此乃手少陰痰氣  
凝滯而成用蟾酥餅膏貼漸作稀膿近者一載遠  
者三年內服補劑免變癆瘵之症

正宗

鰵肚疔門主論

王肯堂曰鰵肚疔卽中節疔生中指中節絕骨之處  
由辛熱風濕之毒上干心經故發此毒乃心經受  
症也但中指通連五指疔色紫黑者其毒必惡易  
於攻心指節裡面色青黃心一受毒其人昏迷必  
死其指必落務用護心丹時時呷之以護其心再  
服蠟礬丸護膜追疔奪命丹追疔爲主

準紀

李東垣曰泥鰵疽生在手指一指通腫色紫形如泥  
鰵焮熱痛連肘臂由火毒凝結而成

又曰蛇腹疔生十指中節裏面形如魚肚色赤疼痛  
乃火毒凝結而成

衝要節門主論

小指節近掌處腫痛焮赤名曰衝要節

正宗

紅繭疔門主論

王肯堂曰紅繭疔因心火太盛傳於脾經故毒發於

四末若水珠若水泡與血繭

音城皮起也

無異多生手

足胸背之間今人不識僞稱火丹或認斑瘡養成  
大患初起紅色宜用針針去惡血內服清心敗毒  
黃連丸之類如紫色則危灰黑必死根行甚速宜  
針惡血以緩毒勢治同疔法

準繩



## 癰疽門主論

王肯堂曰癰疽者肉中忽生點子如豆粒小者如黍粟極者如梅李或赤或白或青或黑其狀不定有根不浮腫痛傷之應心根深至肌經久便四面悉腫飽黯熟紫黑色能爛筋骨若毒散逐脉入臟殺人南人名爲揭着毒厚肉處卽割去之亦燒欬烙之令焦如炭或灸百壯其病喜着十指故與代指相似人不識之呼爲代指不急治之亦逐脉上入臟殺人南方人得之皆斬去其指初指頭先作黯

庖後始腫赤黑黯癢痛入心是也

準繩

陳實功曰癰疽又名蛇瘡凡川廣烟瘴地方多有之初出先作紅點次變黑色腐爛筋骨小者如粟如豆大者如梅如李發無定處初起蟾酥餅膏蓋如紅腫遊走不定用眞君妙貼散加雄黃敷之自然截住破後如脾胃虛弱補托不應惟出清水穢汁者俱爲不治

正宗

馮魯瞻曰癰疽者其發有數種小者如粟如豆大者如梅如李青黑赤白變易不常或臂或腎或口齒

或肚臍發無定處然大槩多見於手指之間根深  
入肌走臂遊腫毒血流注貫串筋脉爛肉見骨出  
血極多若至狂言煩躁悶亂者皆毒氣攻心之候  
也不治

錦囊

澄曰瘰癧隨處可生川廣烟瘴地方有之疼痛徹心  
不止腐爛筋骨潰破膿如荳汁今日拭乾次日膿  
汁復滿愈而復發

療疽門主方

準繩秘方

射干

甘草

枳實

升麻

乾地黄

黃芩

各二兩

犀角

陸分

前胡

三分

水五升煎三升入大黃一錢一沸去滓入麝香二分分三服瘥止不限劑數神效

手指怪症門主論

浙有士人一指忽隱痛不可忍其中指甲間生一珊瑚高二寸血色氣縷成海市人士戰馬城廓戈矛人與自己皆見嗜飲燒酒醫謂火所吐幻景服以大黃稍減久服遂絕然火何得成此異哉

異識  
奇蹟

了癰



丫癰門主論

王肯堂曰五指丫處結毒焮腫者俗名鴉叉又名病

蟹叉

準繩

申斗垣曰手丫毒俱是手經手背丫是手三陽經手  
掌心了是手三陰經受症當分何經加引經藥治  
之

啟玄

汪省之曰手三陰三陽經亦有氣血多少不同生於  
指了當分經絡治之

理例

朱丹溪曰手丫發生於手丫岐骨縫間除大指合谷

穴名合谷疽其餘指丫生毒皆名手丫發初起如  
粟色紅漸大如荳焮熱潰後疼痛不止者俟膿塞  
提出其痛方止



虎丫毒



虎了毒門主論

王肯堂曰虎口疽一名虎了毒又名合谷疽又名了刺毒又名臂蟹毒又名手了發又名病蟹又此手陽明大腸經風熱積毒之所致也

準繩

陳實功曰合谷疔俗名虎口百了是也此患多係疔瘡泡起亦有紅絲走上故有疔名此手陽明胃經濕毒攻注作癢初起挑破蟾酥餅膏蓋金黃散敷之必須內外消托爲主

正宗

胡公弼曰虎口毒卽了刺毒最能爛手毒歸肝脾亦

致殺人 青囊

又曰赤燉熱痛更有虎口脹裂者

薛氏曰此患多生大指次指連界處忽生腫毒痛不可忍若不早治必爛人手名曰拍蟹毒

朱丹溪曰虎口疽生

合谷穴

在手大指次指岐骨間屬

大腸經濕熱凝結而成一名丫又毒初起如荳漫腫色青木痛堅硬若初起黃粟小飽癢熱燉痛根深有紅線上攻腋內卽名合谷疔

虎丫毒門主方

初起

鮮蟹搗爛敷之其毒可散

手心毒



手心毒門主論

王肯堂曰手心毒焮赤腫痛俗名病穿掌又名穿窟  
天蛇又名貧子孟若偏於掌邊者名穿邊天蛇又  
名穿埂天蛇亦名鵝癰此手厥陰心包絡經勞官  
穴乃積熱所致

準繩

李氏曰手心毒一名擎珠毒

陳遠公曰有手心中忽紅腫高突變成一疽疼痛非  
常日夜無間世所謂擎疽也此症多是冤家相尋  
內外治療往往不能收功有流血至死者似乎不

必治也。然有症無方，安見吾道之大乎？苟能懺悔，怨艾安在？不可救此疽，雖是冤孽，亦因病人有火熱之毒，乘機竊發也。消火熱之毒，何不可奏功耶？但火熱非起于一日，而解毒難憑于小劑。蓋毒成于熱，熱起于火，火之有餘，終是水之不足，不大料以滋水，惟小劑以滅火，安得取勝乎？必大用補水之劑，少佐解毒之味，則自愈耳。釋擎湯元參一兩，金銀花二兩，生地一兩，當歸一兩，紫花地丁五錢，貝母二錢。水煎二劑，疼止已潰者，又服四劑，未潰

者又服一劑無不全愈愈後仍須懺悔則無後患  
否則恐變生他症非方之過也此方滋水以治火  
補正以解毒自居于無過之地又何擬議哉

水鑑

陳實功曰手心毒一名穿板疔又名擎珠又名癰疽  
乃心火熱毒也是於五心痛不可忍其瘡如泡色  
如血赤外形雖小內有熱毒發於心掩者難治發  
於手足心者可療如在手掌心敷藥當從手腕敷  
起如在足心須從腳脛腋骨四圍敷住以截血路

免毒上攻

正宗



胡公弼曰右手心毒乃太陽陽明二經受症氣流足厥陰經左手心毒乃少陰太陽二經受症氣流足太陰陽明經或因七情內傷氣血凝滯亦能患此青囊

驚掌風門主論

陳實功曰驚掌風乃手陽明胃經火熱血燥外受寒涼所凝以致皮膚枯槁初起紫斑白點久則手心皮膚枯厚破裂不已

正宗

又曰時瘡餘毒未盡亦能致此

申斗垣曰楊梅瘡食驚肉亦生

敬立

心法曰此症手掌及指上層層剝皮血肉外露

驚掌風門主方

二礬湯 正宗

白礬

皂

礬

各四兩

孩兒茶 五錢

栢葉 八兩

用水十碗同上藥煎數滾候用先以桐油搽抹患上用桐油紙撚點着以烟焰向患上薰片時方將前湯乘滾貯淨桶內手架上以布蓋得湯氣薰之勿令泄氣待微熱傾入盆內蘸洗良久一次可愈七日手忌下湯水永不再發此方越

重越效如輕者不可用

又方 秘錄

川烏

何首烏

蒼朮

赤芍藥

草烏

地丁花

防風

天花粉

荆芥

各一兩

陳蘄艾 四兩

煎湯薰洗

膏藥 濟生

治鷲掌風指甲變厚及風癩頑癬死肌麻痺

鳳仙花

連根花葉晒乾

蒼耳葉

嫩頭各四兩

血餘

三兩

鹿角屑

生刮

絡石

虎骨

百部

茜草

剪草

各二兩

人指甲

五錢

穿山甲

羌活

龍骨

麻黃

蘄艾

威靈仙

各一兩

右用麻油一觔全熬至滴水不散絞去渣離火

再下鉛粉四兩銀硃四兩黃蠟二兩乳香二兩

和勻磁器收貯臨用隔湯炖化攤貼

又方

先以油核桃擦手足患處爐內焚常山薰之上用  
青布蓋好薰常山一觔七日手不下水褪去老皮  
永不再發

又方

灰條草搗汁擦十數次

又方

茄花帶露水摘下擦數次

又方

五倍子研末桐油調搽用炭火烘之二三次

又方

瓦花頭髮搗爛用手搓之

又方

鳳仙花 一棵

蒜薹草 一兩

蟬 蛻 三錢

煎湯薰洗

又方

白豌豆一升全棟樹子煎湯早中晚薰洗二七全

愈

又方

鮮核桃外面青皮全鴿子屎煎水頻洗

又方

鮮嫩芭蕉葉煎洗十餘次

又方

硃砂

明雄黃

各一錢

輕粉

五分

共研細用桐油調塗患處以微火烘一炷香爲度年遠者五七次年近者二三次卽愈屢試屢

驗



又方

斷艾四五兩水煎入大口瓶內上用麻布蓋之以  
手心放瓶口薰之冷則再熱再薰數次即愈

又方

鉛彈子如胡桃大一個每日在手內搓弄搓熱將  
鉛彈子握緊晝夜不歇如此十餘日即愈但不能  
除根

鷺掌

並治四灣瘋

劉氏秘方

土木鱉

淨肉

苦

參

各一兩

白附子

五錢

楊醫大全

卷十九

鷺掌風方

芫

額氏秘書

芫

額氏秘書

芫

額氏秘書

芫

額氏秘書

芫

輕

粉

三錢

各研細和勻生桐油調聽用 先用馬齒莧煎  
濃湯先薰後洗仍將馬齒莧擦一二次 隨用  
樟木屑絲瓜藤大蒜稽大皂焚燒灰薰之 薰  
過用紅升丹川貝母末各一錢以筆管慢小篩  
羅裝藥然後以桐油掃患處不可過多潤過卽  
將小篩羅內藥篩在患處卽將前桐油調藥敷  
上約一銅錢厚仍以前樟木屑等烟薰之令熱  
如太熱則遠些薰藥將乾過一夜次日洗去不

過二次無不全愈

驚掌風

鄧重光

大麥芒燒烟薰手掌七日不可見水即愈

又方

牡

蠣

煨

密陀僧

各二錢

共研細桐油調搽炭火炙之

又方

豆腐沫熱洗

又方

生桐油搽以松毛燒烟薰

又方

川烏

白附子

草烏

蠶蠶

銅綠

密陀僧

輕粉

膽礬

各一錢

麝香

三分

共研細末先用生附子切厚片於鵝掌瘋上以艾圓灸之再用葱汁調敷

又方

猪胰一具

去油勿經水

花椒三錢用溫酒同浸二三日

取臍不時擦手微火烘之

又方

白砒三錢打如豆粒用藤油一兩熬砒至黑去砒用油擦手微火烘之不過二三次卽愈

又方

葱五六根搗破花椒一把全入瓦罐內入醋一碗再用滾水冲入薰洗數次卽愈

又方

穀樹葉煎湯溫洗以火烘乾隨用栢油擦之用火

烘乾又洗又烘如此日行三次不過五日自愈

又方

大黃鱔一條去頭尾腸切一寸長以香油一兩入鍋內將鱔魚暨起熬至魚枯去魚取油放磁蓋內用穿山甲燒存性研末少許調搽患上以炭火灸至手癢而痛又搽又灸三次自愈

馬蟻窩門主論

證  
曰馬蟻窩乃無意腳蹠馬蟻而成或風濕結成多  
生手足形似蟻窩儼如針眼奇癢入心破流脂水  
宜用穿山甲外敷亦有手背手腕生者

馬蟻窩門主方

錫灰膏 陳楚陽

治馬蟻窩血瘋癩瘡癢極不可忍者

錫

灰

篩取細者  
二錢五分

粉

一錢  
五分

葱

白一根

全生健猪油去皮膜搗膏用刷子腳搽瘡上外  
以三退紙封之三日全愈

三退紙

蟬蛻

鳳凰衣

各三錢

密陀僧

六錢

桐油八兩熬成膏以刷蘸膏於連四紙上陰乾



用時照瘡大小剪貼三日一換換三次全愈如  
癢極搽錫灰膏收功

又方

密陀僧

三錢

百草霜

風化石灰

各五錢

徽酒麴

一兩五錢

共爲末先以松毛鬚搗爛煎湯洗透再用松毛  
鬚燒烟薰之任其流水拭乾再以桐油調敷頻  
用桐油潤之每日一換七日除根

又方

大黃

研末桐油調敷

又方

桐油簍蓋包患處數夜卽效

螞蟻窩並癢極成片之瘡

吳越干

輕粉二錢

穿山甲

一兩新瓦上炙剪成豆大再用土炒成珠

共研細以甘草湯洗淨用熟雞蛋黃炒出油調

搽

指縫搔癢成瘡有竅出血不止

多年糞桶篾箍燒灰敷之

腭痛門主論

陳寶功曰腭痛乃風寒氣鬱於皮毛致血不榮於肌  
表謂皮槁則多痛手足似無皮之狀是腭苦生焉  
可將葱湯浸洗良久隨以潤肌膏擦之就煖勿見  
風冷自愈如每逢冬時卽發者須預於三伏時晒  
搗爛大蒜間擦三次永不再發經曰寒因熱用其  
理甚明 正宗

王肯堂曰腭痛因暴寒侵襲肌膚之中寒鬱不行偶  
觸衣物或以手捺疼痛連心儼如無皮之狀是也

駿痛門主方

潤肌膏

當歸身

二兩五錢

粉甘草

一兩

白芷

八錢

血竭

六錢

紫草茸

五錢

白蠟

切片二兩

真麻油八兩先將當歸身白芷甘草熬深黃色  
濾去渣再入血竭熬化又濾淨再入紫草白蠟  
片畧沸十數滾卽起火濾去紫草渣其色卽鮮  
明可愛若熬過則紫黑矣

驗方

胡椒四錢燒酒四兩共入磁盃內重湯燉煮以軟  
綿蘸酒溫湯患處卽愈

手足破裂門主論

陳實功曰手足破裂乃乾枯之象氣血不能榮養故也此因熱體驟被風寒所逼凝滯血脉以致皮膚漸枯漸槁乃生破裂日襲於風風熱相乘故多作痛以玉肌散潤肌膚潤之內服當歸飲子

正宗

手足破裂門主方

手背皴裂

大楓子肉搗泥塗之

瘍醫大全

卷十九

手足皴裂

朱

顧氏



屬手少陽三焦經中渚穴  
在手小指次指本節後間

手發背



手發背門主論

王肯堂曰手發背初生如水刺無頭腦頑然滿手背  
腫滿後聚毒成瘡深入至骨是也

準繩

鬼遺方曰俗名蜘蛛背

李氏曰手背腫毒乃三陽經風熱鬱滯而發

十書

申斗垣曰手發背卽手背毒乃心肝二經風熱相乘  
氣血壅聚而成初起增寒惡熱昏悶疼痛嘔逆先  
宜發表解毒

啟玄

胡公弼曰大抵此症多由惱怒七情皆能動火各經

之火不同當分別治之

青葉

又曰如潰後出血發熱譫語宜清心流氣飲不應乃熱入血室宜加減小柴胡湯血止而熱亦解矣

汪省之曰手發背發於手背中渚液門二穴乃手少陽三焦經多氣少血初起寒熱或作嘔或作癢痛理例

朱丹溪曰手發背由風火與濕凝滯而成初起形如芒刺漸覺疼痛高腫紅活焮熱潰速爲膿者順若漫腫堅硬無紅無熱潰遲爲疽其證形勢大小但

潰深露筋骨者難全

王杏菴曰病蝦生於手背屬手三陽經積熱毒盛而  
成形勢如蝦高埂赤腫疼痛初宜黃連消毒飲外  
用食鹽酒糟香油全炒令香淬以滾湯淋洗患處  
卽消

手發背門主方

紫桐散 李常山

專敷手足發背止痛消腫

梧桐葉

鮮的搗爛或初秋採取陰乾

紫花地丁 各等分

研細砂糖調敷

手發背 呂氏秘方

生甘草

炙甘草

大貝母 各五錢

皂角刺 土炒

穿山甲 炒黑

知母 各二錢五分

半夏 一錢五分

姜引酒水同煎二劑全愈